

Վարչական տույժ նշանակելու մասին

16.11.2018թ.

ք. Վանաձոր

ՀՀ ՊԵԿ Արևելյան մաքսատուն-վարչության պետ Մելքոն Աղաջանյանս, ուսումնասիրելով Թամազի Միչիլաշվիլու /անձն. 16AA59803, ՎՀ, ք. Ռուսթավի, Տոդրիա 2 նրբ., 5/57/ կողմից մաքսային կանոնների խախտման վերաբերյալ նյութերը,

Պ Ա Ր Զ Ե Ց Ի

Թամազի Միչիլաշվիլին 05.04.2018 թվականին ՀՀ է ներմուծել 1 տուփ քիմիկատ: Նշված ապրանքը 05.04.2018 թվականին հանձնվել է մաքսային մարմինների ժամանակավոր պահպանմանը: Սակայն սահմանված ժամկետում Թամազի Միչիլաշվիլին նշված ապրանքի վերաբերյալ մաքսային հայտարարագիր չի ներկայացրել:

Նշված փաստի առթիվ ՀՀ ՊԵԿ Արևելյան մաքսատուն-վարչության Գոգավան-Պրիվոլնոյե մաքսային կետ-բաժնի պետի տեղակալի կողմից 25.10.2018 թվականին Թամազի Միչիլաշվիլու նկատմամբ կազմվել է մաքսային կանոնների խախտման վերաբերյալ արձանագրություն ՀՀ ՄՕ 194-րդ հոդվածի հատկանիշներով:

Գործի քննությունը նշանակվել է՝ 16.11.2018թ.-ին, ՀՀ ՊԵԿ Արևելյան մաքսատուն-վարչության վարչական շենքում, ժամը 12:00-ին, որի վերաբերյալ վերջինիս հասցեով ուղարկվել է ծանուցագիր: Ծանուցագիրը Թ. Միչիլաշվիլին ստացել է 05.11.2018 թվականին, սակայն չի ներկայացրել վարչական վարույթի քննարկմանը:

ԵՏՄ մաքսային օրենսգրքի 101-րդ հոդվածի 1-ին կետի 1-ին պարբերության համաձայն՝ ապրանքների ժամանակավոր պահպանման ժամկետը հաշվարկվում է ապրանքները ժամանակավոր պահպանման հանձնելու համար ներկայացված փաստաթղթերը մաքսային մարմնի կողմից գրանցվելու օրվան հաջորդող օրվանից և կազմում է 4 ամիս՝ բացառությամբ սույն հոդվածի 2-րդ կետում և սույն Օրենսգրքի 259-րդ հոդվածում նշված դեպքերի:

Նույն օրենսգրքի **110-րդ հոդվածի 1-ին կետի համաձայն՝** միության մաքսային տարածք ներմուծվող ապրանքների մասին մաքսային հայտարարագիրը ներկայացվում է մինչև ապրանքների ժամանակավոր պահպանման ժամկետի լրանալը կամ սույն Օրենսգրքով սահմանված այլ ժամկետում:

ՀՀ ՄՕ 194-րդ հոդվածի համաձայն՝ սահմանված ժամկետում մաքսային մարմիններին ապրանքների և տրանսպորտային միջոցների վերաբերյալ մաքսային հայտարարագիր չներկայացնելը, ինչպես նաև մաքսային հսկողություն իրականացնելու համար ապրանքների և

տրանսպորտային միջոցների վերաբերյալ անհրաժեշտ փաստաթղթերը չներկայացնելը՝ անկախ գրավոր հայտարարագիր ներկայացնելուց՝ առաջացնում է տուգանքի նշանակում՝ 50,000 դրամի չափով:

Վարչական վարույթի նյութերի ուսումնասիրության ընթացքում պարզվել է, որ Վրաստանի Հանրապետության քաղաքացի Թամազի Միչիլաշվիլին ՀՀ է ներմուծել 1 տոնի՝ 13.5 կգ քաշով քիմիկատ: Նշված ապրանքը 05.04.2018 թվականին հանձնվել է մաքսային մարմինների ժամանակավոր պահպանմանը, որի վերաբերյալ կազմվել է թիվ 8 անդորրագիրը: Սահմանված ժամկետում Թամազի Միչիլաշվիլին ժամանակավոր պահպանմանը հանձնված ապրանքի վերաբերյալ մաքսային մարմիններին չի ներկայացրել մաքսային հայտարարագիր:

Այսպիսով նյութերով պարզվել է, որ Թամազի Միչիլաշվիլու արարքում առկա է 17.12.2014թ. ՀՕ-241-Ն ՀՀ մաքսային կարգավորման մասին>> օրենքի 259 հոդվածի 4-րդ կետի ուժով գործող 06.07.2000թ. ՀՀ ՄՕ 194 հոդվածով նախատեսված մաքսային կանոնների խախտման հարկանիշներ:

Ելնելով վերոգրյալից և ղեկավարվելով ՀՀ ՄՕ 194, 206, ՎԻՎՕ 214, 234 հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 194-րդ հոդվածով նախատեսված մաքսային կանոնների խախտում կատարելու համար Թամազի Միչիլաշվիլին ենթարկել վարչական պատասխանատվության՝ տուգանելով 50000 ՀՀ դրամի չափով:

2. Որոշման մասին հայտնել Թամազի Միչիլաշվիլին՝ պարզաբանելով, որ որոշումը կարող է բողոքարկվել այն կայացնելուց 10-օրյա ժամկետում վերադաս մաքսային մարմին / պաշտոնատար անձին/ ՀՀ ՄՕ 222-րդ հոդվածի համաձայն, դատական կարգով՝ ՀՀ վարչարարության հիմունքների և վարչական վարույթի մասին>> ՀՀ օրենքի 10-րդ գլխի նորմերին համապատասխան երկամսյա ժամկետում:

4. Որոշումը կամավոր չկատարելու դեպքում այն կկատարվի ՀՀ Դատական ակտերի հարկադիր կատարման ծառայության>> միջոցով՝ պարտապանի հաշվին:

Սույն որոշմամբ նշանակված տուգանքի վճարման հաշվեհամարներն են. 900005024055՝ գումարի 70% և 900233586016՝ գումարի 30% (ՀՀ պետականբյուջե, կենտրոնական գանձապետարան, Արեվելյանմաքսատուն-վարչություն, ԿՈԴ 29):

ԱՐԵՎԵԼՅԱՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏ՝

Մ. Մանյան

Մ. ԱՂԱՋԱՆՅԱՆ